

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**De Fidei Formularvm Praecipve Avgvstanae Confessionis
Iustitia Et Vsv**

**Bernhold, Johann Balthasar
Schifflin, Johann Sigismund**

Altorfii, [1730]

De Augastanae confessionis iustitia et usu

[urn:nbn:de:bsz:31-67824](#)

bonariam, politici papatus reliquias &c. retundendi; sed coarcta, qua circumscribimur, temporis angustia praepediti, earum examen in ipsa disputationis arena uentilandum proponimus; certi interim sumus, B. L. facile soluturum secundum hanc tenus probata, quae mota sunt dubia aduersus *Formularum Fidei Iustitiam et Vsum*.

DE
AVGVSTANAE CONFESSONIS
IVSTITIA ET VSV.

CAPVT VNUM

§. I.

Augustanae Confessionis nomine quid rei nobis ueniat, Augustana Confessio. nemini ignotum est. Significamus nempe publicum scriptum, quod M. Imperatori CAROLO VTO, Germanici Imperii PRINCIPES V. ET DVAE IMPERIALES CIVITATES [quem numerum nuperrime accurate fixit Celleberrimus IOH. DAV. KOFLER in Disp. de subscriptione A. C.] ante ducentos annos xxv. Iunii die, AVGVSTA VINDELICORVM in comitiis ibi habitis demisse obtulerunt; complexum XXI praecipuos, quos sic uocant, FIDEI ET DOCTRINAE ARTICVLOS; itemque VII. capita, in quibus recensentur abusus mutati; ad quod condendum praelaudatorum Imperii statuum theologi in commune consilia et sententias contulerunt, PHILIPPVS uero MELANCHTHON eius litteris explicandi interpres fuit. Vocauit is hoc scriptum ad ueteris Ecclesiae doctorum exemplum *Apologiae sive defensionis et confessionis* nomine. [Saepius etiam B. LVTHERO *apologiae, defensionis et declarationis* nomine uenit in epistolis suis passim] maluit tamen confessionis uoce uti, eo, quod Caesari non uacaret, prolixas audire disputationes, quae apolo-

apologiis familiares alias esse solent. Sic PHILIPPVS in Ep. ad Lutherum scribit, citata a GE. COELESTINO in Historia Comitiorum August. Tom. I. p. 41. et B. DAV. CHYTRALO in Bericht von Augspurgischer Confession. p. 36. seq. qui titulus cum additamento uocis fidei, ut postmodum scripto praefigeretur, collibitum fuit; (unde et Confessionistarum titulo yonriac lutherani doctores apud pontificios scriptores ueniunt.) Confessionis fidei nomen libro prudentissimo consilio est inditum, cum dictos articulos eum in finem obtulerint piissimi Confessores nostri, ut in iis exstaret Confessio sua, et eorum, qui apud illos docent, doctrinae summa cerneatur; [sunt uerba epilogi; quibus ouēn̄pha sunt, quae in Praef. ad CAROLVM V. leguntur: offerimus, inquit, nostrorum concionatorum et nostram confessionem, cuiusmodi doctrinam - illi in nostris terris, Ducatis, ditionibus et urbibus tradiderint, et in ecclesiis tractauerint.] non minus prudenter titulus Confessionis fidei praeterea altero apologiae receptus fuit et usu inualuit, facit quidpe eo, ne idem unumque cum insecura eiusdem apologia ferat nomen. Compendii tandem gratia, et ut insimul, ad ueteris itidem Ecclesiae exemplum [uid. B. IO. SCHMIDII Diff. de Aug. Conf. nomine etc. p. II.] urbis, inibique gestorum pia coleretur memoria, hic liber dictus fuit Augustana Confessio, quae appellatio usi uulgatissima, ubiuis et semper hucusque obtinuit. [Confessio Saxonum per contemnum audit apud Pontificios doctores.]

§. II.

Nos variate. Augustanae Confessionis exemplum latinum a PHIL. MELANCHTHONE, e nimia in Zwinglio-Calvinianos propensione miscxli, priuata autoritate insigniter mutatum iuxta accum ueritatis iactura corruptum, uariatum uulgo id dicunt, hinc secludimus; constantissime quidpe ab orthodoxa Ecclesia id reprobatum fuit. [non hic itaque innuimus, quas

quas PHIL. MELANCHTHON in ipsis comitiis ante publice
praelectam et exhibitam confessionem uariationes subinde insi-
tuit; sunt namque publica PRINCIPVM et priuata LVTHERI
autoritate probatae et acceptae. De iis ap. COELESTINVM
l. c. p. 40. et CHYTRAEVUM l. c. p. 55. Ep. die Louis post in-
ventionem Crucis a. 1530. inter alia sic scribit ad LVTHE-
RVM: ego exordium nostrae Confessionis feci, aliquanto
πρτοεμότερον, quam Coburgi scripseram. Breui ipse afferam,
aut -- mittam. et ap. CHYTRAEVUM p. 62. et CAELESTI-
NV M p. 44. in alia ad eundem 22. Maji exarata: in apologia
(confessione) multa mutamus, locum deuotis, quia erat exilior
iusto, exemis, supposita alia disputatione eadem de re paullo ubi-
riore. Nunc de potestate clauis etiam dispuo. Vellem per-
currisse articulos fidei, (XXI.) in quibus si nihil putaueris
esse uitii, reliqua (artic. VII.) utcumque tractabimus; subinde
enim mutandi sunt, atque ad occasiones accommodandi.] non
uariati autem ac genuini exempli, germanico et latino ser-
mone conscripti, rationem solum habemus. Cuiusmodi
postmodum utrumque publica autoritate in Conuentu Num-
burgensi, 1561. ad prima eaque probata Witteb. 1531. publi-
cata exempla; germanicum in primis exemplum trina uice ad
authenticum in publico Imperii archeo repositum accurate
collatum et expressum fuit. Quale exemplum 1580. Con-
cordiae libro insertum, cum latino conspirare deprehensum
est. uid. Nothwendige Vertheidigung des Aug.-Apfels p. 230.-
39. et 350. seq. Haupt-Vertheidigung p. 444 seq. quibus iur-
ge iam laudati Celeberrimi KOELERI Diff. citatam p. 14.-26.
et 34. usque ad fin. et IAC. WILH. FEVERLINI Celeberrimi
Professoris in Theologia Auspicalem Disp. Sect. I.

§. III.

Hic de A. C. nomine breuissime praemissis, iustitia eius iamiam asserenda est, & contra diuersum sentientes uniuscunq[ue] dicanda. Siue probandum nobis incumbit, Ecclesiam, quae

doctrinam A. C. traditam amplectitur & profitetur, iuste summam religionis suae publico expressisse scripto, expositamque in formam & regulam credendorum & docendorum proposuisse, & etiamnum proponere. Ecclesia, secundum superiorius dicta iuste agit, uel in sensu permisso uel praeceptiuo; Ecclesiae nostrae omni iure permisum fuisse, ut confessionem fidei & doctrinae ederet, & suis sociis iniungeret, inde adstruimus, quia Confessionem AVGVSTAE propositam in numerum fidei formularum, quas definiuimus antea, omnimode referri oportet; de formulis fidei, quas descripsimus, in universum pronunciauimus eas esse iustas, iusta itaque etiam erit A. C. cum sub classe fidei formularum continetur. Quicquid enim ualet de genere, ualet etiam de specie etc. solum relinquitur probandum, A. C. tanquam speciem contineri sub genere formularum fidei; definitum *formula fidei* ex aequo competit A. C. si definitio in eandem per omnes partes quadrat.

§. IV.

Quia est uera Ecclesiae.

E formularum fidei definitione ante omnia applicabimus A. C. id quod de iis primum praedicatur; esse nimur publica uerae Ecclesiae scripta, Spiritus S. luce atque gratia iuante, & omni adhibito studio humano concinnata. Negabunt strenue *Romanenses* aduersarii, *Confessores* nostros ad ueram Ecclesiam referri debere; schismaticos uerius, apostatas & haereticos illos fuisse affirmabunt; uerum calumnae huius notam Ecclesiae nostrae scriptam, uariorum exterse-runt. Nosmet, semotis tantisper, quae romano-catholicos inter & nos intercedunt de Ecclesia controuersiis; gratiae aduersariorum aliquid dabimus, & quod aiunt, *καὶ ἀνθεπτερ* disputabimus. Damus itaque Romanam Ecclesiam tum fuisse ueram uisibilem illam, quam tantopere iactant Ecclesiam, & uerae ab Apostolis, Petro maxime & Paulo fundatae filiam, sive neptem, sive proneptem etc. maiores certe nostri in ea erant.

erant nati & educati. Damus rursum uisibile Ecclesiae caput, summum *Romae* degentem Episcopum. Maiores nostri aequae ac alii illorum socii, obedientiam ipsi & fidem praestabant. Sed & liberales uicissim aduersarii erunt nostri, atque id unum concedent, nostros aequae ut reliqua Romanae Ecclesiae membra per regenerationis lauaerum, doctrinamque euangelii, Christo summo Ecclesiae suae capitii ita inseritos obstrictosque fuisse, ut salua conscientia & salute, integrum iis non fuerit uel latum unguem a magistri voce, in Evangelistarum et Apostolorum scriptis sonora, discedere, officii potius leges efflagitauerint, ut secundum illam morum disciplinam, sacrorum rituum ordinem, doctrinaeque compaginem et σύνημα nunquam non exactissime componerent, secus agentem Romanam Curiam et Ecclesiam e Scriptura S. arguerent et increparent. Atqui ex idoneis historiarum monumentis constat, quam misere utriusque facies ante reformationis tempora fuerit deturpata; morum perditissima impietas et impudentissima petulantia, in Ecclesiastico cumpromis ordine conspicua, inueterata licentia in praescriptionis ius et impunitatem quasi abiit. Immensa fere rituum in sacris obuiorum e religione iudaica abrogata, et gentili damnata transsumtorum propriaeque superstitionis et impietatis figmentis aductorum moles, miseris hominum conscientiis tyrannice imposita fuit εἰς ἀβάσικτον ζυγόν. Equid dicam de uerae doctrinae ignorantia et corruptelis? profundissima placitorum Christianae religionis erat non penes vulgus modo, sed et Ecclesiae doctores inscitia, cum S. Biblia uel legenda non concedebarunt, uel, quod dictu propudiosissimum est, ii, quibus illorum euoluendorum facultas forte erat, eadem non intelligebant, negligebant, spernebant, corrumpebant; quare errores in Ecclesiam non rarissimi, sed condensato agmine, nemine ad tantum malum reprimendum, uel suffeno uel idoneo, irruerunt. Nec leues ii erant, et phi-

losophicae tantum uelitationes, sed graues omnino et perniciiosissimi. Ipsum enim fidei fundamentum ex imo concutiebant et locomouebant; fidei in Christum unicum mundi Seruatorem constituendae et conservandae fundamentum subruerunt, alio in locum eius iacto sterquilinio, propriorum nempe meritorum, partim puerilium et ineptorum, partim in ipsum Deum eiusque Christum iniuriorum. Testes non allegabo probos et doctos ex omni aetate et gente uiros, in hunc desperatum ecclesiae statum inuehentes, quos FLACIVS cum aliis magno numero dat. Publicos tantum huius ueritatis testes allegabo, a XVI. seculi anno XVII. usque ad XXX. illustres et praecipuos: Pontificis ADRIANI VII^{mi} FRANC. CHEREGATO ad Comitia Imperii anno XXIII. Norimbergae habita, datam instructionem. [uid. COELESTINVS l.c. p. 4. col. B. Illustris A SECKENDORF Comm. de Lutheranismo p. 255. et B. I. C. FVNCKII Reformations-Historie p. 119. seqq.] Illustriss. Germanici Imperii Procerum centum et unum de Religione grauamina eidem Papae legato, et iam ante anno XXI. CAROLO oblata, in Wormatiens. comitiis. [uid. Ill. A SECKENDORF l.c. maxime ELIAE FRICKII V. D. apud Ulmenses Ministri et in Gymn. Theol. Professoris Praefatio in hunc librum a se uersum et auctum, et I.C. FVNCKII Reform. Historie p. 17. 21. 121. coll. 133. 182.] MERCVRINI CAT-TINARI Orationem Bononiae ad CLEMENTEM VII^{mum} anno XXIX. nomine Caesaris recitamat. [COELESTINVS l.c. p. 11. 12. collata sententia illorum, quos Augustissimus CAE-SAR antea de religione in consilium vocauit p. 7. column. B.] ipsum denique CAROLI Vti sermonem ibi habitum. [CHY-TRAEVS l.c. p. 16. 19. COELESTINUS p. 14. 15.]

§. V.

Confessores itaque nostri schisma non fecerunt, cum saera repurganda fusciperent, nihil enim aut noui aut iniusti hac in re tentarunt; sed et attendas uelim quam prudenter, quam aequa-

aeque, quam moderate cum Romana Curia egerint et Ecclesia; omne negotium non definiendi sed disputandi tantum gratia incepsum, ad Romanum praesulem detulerunt, caussae que cognitionem, et super ea iudicium implorarant; *Romanam Ecclesiam* se colere professi sunt, illi, germanicisque praesertim Academiis totam caussam suam submiserunt, durius dicta reuocaturos, maioremque in posterum modestiam adhibituros esse, polliciti fuerunt. Sed quid ad haec Pontifex cum purpuratis suis? unice et tantum instabant ut reuocarent, Scripturam S. uel plane non in consilium uocabant, uel misere eam interpretabantur; conciliorum recentiorum Constantiensis maxime, Pontificum et Scholasticorum doctorum, canones, et decreta, et sententias crepabant. Cui irrationali iuxta ac tyrannico procedendi modo, cum nostris salua Dei gloria, saluteque sua sese submittere nollent, LUTHERVS cum sociis suis, instigantibus furii papalibus, edito CAESARIS et quorundam Imperii Statuum, sub finem Comitiorum Wormatiensium proscriptitur, et repetita LEONIS bulla excommunicatur.

§. VI.

Caesari uel tandem naturae bonitate & clementia, rei ipsius grauitate & necessitate, precibusque instantissimis subinde repetitis ad concilium de religionis negotio celebrandum compulso; CLEMENS VIIimus obstinate restitit; [rationibus uicario Christi summoque controversiarum iudice indignissimis nixus, quas lege ap. COLESTINVM p. 13. seq. & CHYTRAEVUM p. 11-15.] Sed italias PAPAE artes quas tum moliebatur, germana CAROLI indeoles abhorrens, litteris Augustam Vind. Imperii conuentum indicit, ubi interea temporis usque dum Concilium congregaretur, etiam de dissensionibus in causa religionis dispicere iubet. [uid. COLESTINVS l.c. p. 15. B.] in Ecclesia duo tum temporis hominum erant genera, unum emendari cupiebat abusus & corruptelas,

alterum & abusus & corruptelas negabat. Vtrumque huc usque reputabatur Romanae Ecclesiae communionis particeps. Vtrique ex aequo distribuebatur ius sententiam suam dicendi, probandi, & aduersam partem e S. Scriptura erroris conuincendi; & caussa nondum erat perorata, multo minus iudicata; insigni itaque iniuria nostris *Confessoribus* infame haereticorum nomen impingitur, qui erroris nondum conuicti & damnati erant. Partem potius nostram *ueram tum constituisse Ecclesiam*, uel inde maxime elucefecit, quod uoci Christi sui Scripturae S. nimirum, unice & constantissime attenderint, ad eam sua & dicta & scripta composuerint, erroresque refutauerint.

§. VII.

Scriptum.

Ab hac *uerâ Ecclesia* edebatur scriptum de sua religione. JOHANNES ELECTOR SAXONIAE ad Wittebergenses Theologos: LVTHERVVM, IONAM, BVGENHAGIVM (*Pomeranum*) & PHILIPPVM dat litteras; [quas lege in CHYTRAEO p. 42. seq.] quibus iubet, ut in communem [quod bene ex litteris notes uelim.] Imperii statuum repurgatam doctrinam amplexorum usum & commodum, capita fidei praecipua & controuersa scripto explicent; paruit LVTHERVVS cum sociis, articulosque XVII, quos antea anno XXIX ante Suobacensem conuentum ipsem et construxerat, communi iam habito consilio denuo probauit, immutatis, additis & demtis paucis tantum uerbis; qui dein a loco in quo ELECTORI exhibebantur nomen TORGAVIENSIVM articulorum sunt sortiti; [Conf. ELIAS FRICKIVS l. c. p. 960. seq. & I. C. FVNCKIVS p. 245. seq. & 268. item B. IANI Disp. De Articulis Suobacensibus A.C. Fundamento.] PHIL. MELANCHTHONI id postea negotii iniunctum fuit, ut ad morem latinae Ecclesiae in conciliis praesertim obuium, inque usum doctorum & exterorum, quibus germanica non legebantur Saxoniarum imprimis Ecclesiarum, doctrinam latino, quo plurimum pollebat stilo, eiusque confessionem iusto ad Caesarem scripto

scripto comprehendederet. Quo officio ante quam AVGVSTAM uenit iam defungi coepit. Sed postquam in urbe commorabatur, euenerunt multa, quae prolixius de religionis dissidiis efflagitarunt scriptum, & quod *Melanchthon*, qua MELANCHTHON insignis erat, maxime p[ro]fe se ferret. Ampliavit scriptum MELANCHTHON, & ecclesiasticae concordiae, quantum poterat, attemperauit. Sed tamen summam doctrinae, ordinemque articulorum TORGAVI NSIVM maxime sequutus fuit. Confessionis exemplum ipsum bina uice, primum die XI. dein XXIV. die Maii LUTHERO ut id reuideret, examinaret, et, si opus & adderet & demeret, COBVRGVM transmissum fuit. [uid. COELSTINVS p. 40. seq. CHYTRAEV[us] 44. 57. 62.] quod a LUTHERO approbatum [COELSTINVS p. 40. 6. CHYTRAEV[us] p. 6.] caeterisque Theologis receptum [FVNCKIVS p. 286.] tandemque XXIII. die Iunii germanicum absque dubio exemplum in confessu Euangeliorum Ordinum recitatum, communem omnium consensum obtinuit. [COELSTINVS p. 113. B. FVNCKIVS p. 287.] eique subscripserunt *Euangelici Status*, tam suo, filiorum fratum cognatorum & agnatorum quam communis subditorum nomine; [uid. laudatam KOELERI Disp. §. V.] non itaque id scriptum unus alteriusue theologi, sed omnium Euangelicorum statuum & regionum suarum confessionem, complectebatur. [Conf. GE. PONTANI *inuenitius in Melanchthonem uerba in der nothwendigen Vertbeidigung des Aug. Apffels.* p. 354. coll. KOELERI Disp. §. XXI. p. 32.]

§. VIII.

Publicum itaque erat scriptum. Complectebatur enim Publicum. doctrinam quae in templis scholisque publice personabat; publica Euangelicorum statuum autoritate componebatur; illorum, totiusque Ecclesiae nomine in comitiis publice coram Caesare & in corona Imperii Procerum eorumque deputatorum p[re]elegebatur; a CAROLO V. denique utrumque exemplum latinum et germanicum clementissime acceptabatur,

ptabatur, et posterius, quod ipsum recitatum fuit, MOGVNTINO ELECTORI tradebatur, ut in Sacro Imperii tabulario, reponeretur. [uid. COELESTINVS p. 191. CHYTRAEVUS p. 188. - 90. FVNCKIVS p. 291. seq.]

§. IX.

Nec hisce publicis actis quicquam officit Caesaris de ea publicis typis exscribenda interdictum. Restrictum enim tantummodo fuit ad *nouum* eumque alium *publicationis modum*, quam qui solemniter iam in comitiis factus est, et ad pauxillum modo temporis, usque dum concilium de religione iniretur; quod tamen uel ipsius Caesaris, Regum, Principum iussu susceptae A. C. in uarias linguis uersiones, ueluti infirmarunt, et insecura pacis de religione instrumenta prorsus sustulerunt; a quo tempore Confessio fidei Protestantium statuum *scriptum publicum* semper in Germanico Imperio et alibi locorum habitum fuit, et per Dei gratiam etiamnum habetur.

§. X.

Scriptum Dei verbum tanquam unicum, perspicuam pariter et perfectam fidei normam, ut alias semper, ita maxime in edenda Confessione sequuti sunt Confessores nostri. [uid. IOH. SAX. ELECTORIS litteras ad Witteb. Theologos §. VII. cit. et A. C. Praef. clausulam art. XXI. et Epilogum.] nec ipsi aduersarii id tum negarunt, fassi, propheticis et apostolicis scriptis refutari illam minime posse; [uid. pluribus JOH. SCHMIDT. Disp. de A. C. §. XII.]

§. XI

Cum itaque unam Scripturam S. ducem in consignanda Conf. sequentur nostri, quin Spiritus S. lux per diuinum uerbum illuminans praesto iis fuerit, dubio caret. Adhaec, cum naturae artisque subsidiis, quibus ad interpretandam Scripturam S. opus est, egregie instructi essent, quin et haec Spiritus S. gratia in sancto isto instituto perfecerit et direxerit, pariter

Quod ad
diuinam
Scripturae
normam.
Georgius

Gratia et lu-
ce Spiritus
S. inuante,

pariter non est dubitandum. [robur dictis accedit e Cap. prioris
§. §. IV. et XII.

§. XII.

De studio et cura in A. C. conserbendam impensa, multi, breue temporis, quod nostris concedebatur, spatium caussati, humiliter sentiunt. Sed oppido falluntur. Primum enim doctrina scripto comprehendebatur, non tempore *August. Comitorum* demum in theologorum cerebro nata, sed quam ii, *LUTHERVS* et *MELANCHTHON* praecipue, multo ante assidua abs Deo oratione expetierunt; eidem eum summa mentis intentione, meditatione, viriumque corporis consumtione, totos dies noctesque incubuerunt, cuiusque examen intentionum schola subinde sustinuerunt. Dictis adde, Suobacenses articulos A. C. fundamentum, non tumultuaria, sed data opera conscriptos ab eo, et tribus reliquis Witteb. Theologis accurato studio reuisos fuisse; accedit denique *PHIL. MELANCHTHONEM* per duos integros menses et unum dimidium id unum praecipue egisse, ut fidei *Conf. Caesari* exhibendam componeret. Qua industria, meditatione, et sollicitudine eam extruxerit, testatur illorum temporum historia, eiusque litterae passim. Plus itaque quam satis temporis nostris fuit relatum, ad doctrinæ *Conf.* omni studio concinnandam.

§. XIII.

Augustanam Confessionem complecti Christianam doctrinam, i. e. uera Christianæ religionis dogmata, uel e superiorius dictis et citatis patescit. [addantur nostratium in A. C. scripta apologetica, quorum catalogum habes in B. IOH. FRANC. BVDDEI *Iagoge*, cui iunge ex nouissimis doctoribus B. GOTTL. WERNSDORFFIVM, in *Diss. cit. aph. Imo.*] quanta ueritatis fuerit uis, cum recitaretur *Conf. uid. ap. COELESTINVM p. 190. in Ep. MELANCHTHONIS ad LUTHERVM. ap. eun-*

E demus

dem p. 198. et ap. autores Dn. a SECKENDORFFIO laudatos l. c.
 p. 170. notari in hanc rem cumprimis merentur acta inter
 IOACH. ELECTOR. BRANDENBURGICVM et EPISCO PVM
 SALISBVRGENSE M ab una, et inter EPISCO PVM AVGSTA-
 NVM CHRISTOPHORVM A STADION ab altera parte. uid. COELE-
 STINVS T. III. p. 25. 26. [de Episcopi huius in nostrorum do-
 trinam propensiori animo Conf. MELANCHTHONIS ad LVTHERVM
 litterae, ap. eundem T. II. p. 252. b. et IVSTII IONAE ad eun-
 dem p. 205. a. b.] immo ipsaem Confessionis nostrae con-
 futationes ab obstinatis euangelicae doctrinae hostibus con-
 sarcinatae, testimonium ueritati dogmatum nostrorum
 perhibent minime spernendum. Multorum namque articu-
 lorum ueritatem fateri cogebantur, caeteris quid oppo-
 nerent, non habebant, nisi λογουμαχίας, status quaestionis im-
 mutationem & peruersiōnem; futilia et leuia argumenta, qui-
 bus nostros aggrediebantur, erroresque suos et abusus de-
 fendebant. Accedit princeps, de quo acerrime dimicabant,
 caput, ad Pontificiam hierarchiam, redditusque conseruandos
 spectauisse. [inspiciantur excerpta ex Theologorum Branden-
 burg. censura in Torgauenses articulos ap. SECKENDORF. l. c.
 p. 152. ARN. WESALIENSIS et COCHLEI breuis ad singu-
 la puncta Confessionis Protestantium Principum responsio ap.
 COELESTIN. T. II. p. 234. - 245. IOH. ECCII de Princi-
 pum Prot. Conf. censura T. III. p. 36. - seq. summa tractatus
 concordiae fidei causa secunda uice ab utraque parte institutus
 à 16. ad 21. Aug. diem. vid. l. c. p. 43. - 47. cui tamen iun-
 gatur Relationis Pontificiorum Caesari factae correctio p. 47. -
 50. cui colloquio si libet, addantur et reliqua ap. eundem in
 seqq. paginis copiose descripta.] illustrabit et ipsa A. C. confu-
 tatio, quam maxime adducere debemus, eiusque lectio, di-
 etorum ueritatem, si praesertim iungas, quam turpiter Ponti-
 ficii doctores sese in confutatione dederint, in iis capitibus,
 quae controuersa erant, coque ipso multos a suis sacris alie-
 nos

nos reddiderint. [uid. COELESTINVS I. c. p. 25. a. b. 27. a.
28. a. quae singula et apud CHYTRAEVUM leguntur locis
suis.]

§. XIV.

Vna alteraue Christianae doctrinae pars , utrinque contro- Vnam alte-
uersa, quae ad fidem et abusus ecclesiasticorum rituum et cere- ramue par-
moniarut. spectabat, in confessione exposita fuit. [uid. litteras tem.
Ioh. SAX. ELECTORIS ad Witteb. et A. C. Praef.] Sed nec
singuli tum temporis inter utramque partem disceptati articuli,
de doctrina et abusibus scripto comprehendebantur; praecipui
tantum , et qui salua ueritate et Ecclesiae salute omitti non
poterant. [uid. Epilogus A. C. maxime uero consuluntur Illu-
strissimorum Statuum Euangelicorum, et Theologorum delibera-
tiones et responsa ad quaestionem Caesaris: num acquiescere in
articulis Confessionis antea exhibitis, an uero pures proponere
uelint? ap. COELESTINVM T. II. p. 217. - 28. et SECKEN-
DORFFIVM L. II. p. 173. seqq.]

§. XV.

Diuinis ueritates πνεως in S. litteris comprehensas uel ipsis Perspicue,
S. codicis uerbis , uel prorsus aequipollentibus afferunt & expli- apte. com-
cant nostri; ueritates uero in Scriptura Δαρενλυα: contentas ad pendiarie.
ductum sanioris εγγνεως iusta sequela eruunt & efformant; utro-
que officio defunguntur perspicue , barbaros subtilioresque iusto
& obscuros Scholae terminos, a Conf. sua ualere iubent; si
quos adhibent, usu dudum receptis, cognitis & facilibus utun-
tur, eosque dilucidioribus uerbis circumscribunt & exponunt.
Vno uerbo : stilo omnia persequuntur communis, usu trito, plano,
& captui uulgi temperato. Cuius perspicuitatis argumentum
uel maximum est, quod germanica quoque lingua nimis abstra-
ctarum Scholae uocum impatiens, confessionem conscrip-
runt; in qua, cum recitata fuit, ab omnibus tunc intelligeba-
tur Confessio , et adhuc cuiuis, modo linguae sacrarumque

terum non prorsus ignaro, intellectu facillima est. Et ut coram omnibus Europae gentibus perspicue doctrinae suae summatam exponerent, usi sunt etiam latino stilo, humili, simplici, aequaliter tamen & pure fluente. Nec minus apte doctrinam suam confitebantur, uoces modosque loquendi studiose sectabantur rebus significandis maxime idoneos; ordinemque in proponendis dogmatibus suis tenuerunt, qui & ad nexus quo in uicem coelestes doctrinae iunguntur introspiciendum apprime accommodatus esset, et ad religionis faciem, quam tunc praese ferebat, intimius noscendam plurimum conferret. Nec nimiae prolixitatis uitio nostri culpandi ueniant, compendia rerum & sermonis aucupabantur; praecipua tantum fidei capita enarrabant; impientissimos autem abusus notabant, inque iis ipsis breuitati studebant.

§. XVI.

*Plene item
er determina-
tate explica-
tam legitimi-
tatem eru-
tam filtrat.*

Dogmata, quorum ueritatem uel adstruebant, uel opposite falsoitatem damnabant, plena exhibuerunt, iustumque de-
iis ideam exhic illic per totum S. uolumen sparsis doctrinae de-
qua agebant, uel sedibus uel uestigiis. Nihil mancum, nihil
hiulcum, siue seorsim species dogmata, siue *χίτη*, quam
mutuam inter se habent. Vel nuda articulorum inspectio cuius
abunde dictorum ueritatem ostendet. Neque minus fidei capi-
tum, controuersorum maxime, sententiam pressis uerbis definie-
runt, adstrictoque phrasium habitu, certum illorum sensum
fixerunt & determinarunt, ut ne simpliciorum mentes, obortis
iam de una alteraue doctrina dissensionibus, uagis laxisque lo-
cationis expressionisque generibus fluctuantes agitarentur, si-
bique imponi non paterentur; neque maligna aduersariorum
turba, in uerae doctrinae detrimentum, tam facile iis abutii,
inque suum, peruersum scilicet sensum, rapere posset; hinc
dictis & sententiis Scripturae S. certum statuunt determinatum
que assignant sensum.

§. XVII.

§. XVII.

Tandem et in regulam cuiusue Ecclesiae membro confessionem proposuerunt. Namque ^{ia}
CONFESSORES nostri. EOS illam primitus symboli loco habuisse, vel e verbis regulam post
Praefationis constat, quibus petunt, ut ad exemplum suum et reliqui Electores et statu Scripturas
SYMBOLVM FIDEI edant. Huius rei gratia suo, suorumque nomine, eidem proponit.
subscriperunt, et constanter sese adhaesuros subinde sancte affirmarunt. Huc collineant,
eum ad quaestionem Caesaris, num plures articulos exhibere uelint? inter alia responderunt:
Profitemur, nos per eandem confessionem exhibitam omnes incertas et impias doctrinas
et abusus, qui pugnant cum articulis, et rationibus articulorum, quos exhibuimus, im-
probare. Quare et D. PONTANVS 1537. de Confessione mutata questus dixit:
Eam non Melanchthonis, sed statuum propriam esse, qui propter ipsum crebram muta-
tionem in doctrina incerti et inconstantes, cum magna imperitorum hominum offensione
passim proclamarentur. [uid. KOELERI Dispi. cit. p. 32.] Ea ipsa in sequitis Comitiis,
Conuentibus et colloquisiis de religione habitis, ut testis et index Evangelicae doctrinae
proposita, et ab aduersa parte admissa fuit. In **NUMBVRGENSI** conuentu Principes
et Status repeterunt **CONFESIONEM**, cui tanquam **SYMBOLO** semper se
fore additos denuo professi sunt; et ad eam theologorum suorum scripta vel probari,
vel reici uoluerunt. In domesticis controvrsiis ad eam, tanquam ad **FORMAM**
subinde provocatum fuit. Quam solenni modo in regulam 1580. adscita fuerit, verba
PRAEF. FORM. CONCORDIAE testantur. Ecquid multis? in pace **PASSA-**
VIENSI et **AVGVSTANA**, **CONFESSIO** nostra tanquam nota et **SYME-**
BOLVM eorum, qui iuxta Pontificiam religionem solidae religionis pace gaudere debent,
producta et proposita fuit. [conf. pluribus hanc in rem IO. G. DORSCHÆI Dispi.
de A. C. consequentibus insignioribus.] Sed non alio, quam quem superius §. II. IV.
V. VI. stabiliuimus sensu, Ecclesia nostra **CONF. AVG.** in normam recepit. [Ediderit
hanc rem plane et ad modernorum **judiciorum** theologorum mentem E. GE. RITTERVS
PROF. olim **AETDORFINVS**, cuius in A. C. Disputationes 1725. iterum edidit
et uenitauit D. PRAESES. uid. Dispi. I. Th. XXVI.]

§. XVIII.

Cum iam per omnes definitionis partes **AVG. CONFESIONEM** formulis
fidei iuxterimus, per §. III. eiusdem Iustitia in sensu permisso nunc asserta est; quam **Iustitia A. C.**
in praeciptivo sensu illi quoque iamiam vindicabimus, siue eius necessitatem adstruemus. praeciptivo.
Ex causis externis, quae coetum nostrum ad A. C. condam obligarunt, primum allego
CAROLI Vti iussum. Impenso publicas pacis studio, sinceroque in ueram Euangelii
doctrinam amore compulsi **MAGNVS** ille Princeps pro imperi*s* sui gravitate excelsi-
que animi clementia id mandati dedit. Quod exsequi, si nostri subterfugissent vel negle-
xissent, nae! infame inobedientiae scelus et impientissimi erga coelestem ueritatem animi
sensum prodidissent. Secundum exsecrabilis a mendaciorum parente diabolo profectae
calumniae et obrelations, quibus nostri, veluti nefandorum criminum autores, perditissi-
maturumque haeresium defensores longe lateque inhumaniter prorsus proscindebantur et
dissimabantur, imperavat **CONFESSORIBVS** nostris hocce scriptoris genus, quas

ut

ut in mendacissimorum calumniatorum pudorem, et offenditur meatum correctionem publico scripto depellerent, non tam fui, quam DEI potius divinae honoris flagitauit. Idem exigit, ut publico semet purgarent scripto a novissime excitatis erroribus, quos ceteri, qui Romana Ecclesia excessere, publicis clamoribus propugnarunt. Ne itaque in unum cum illis coactum coalescere allis uiderentur, notarunt haut obscure suum ab illis dissensum,

§. XIX.

A. C. veter.
Ecclesiæ
Symbolorum
imitatrix.

AVG. CONF. expressissime morem veterum uerae Ecclesiæ Symbolorum, uel conspectus externi γῆρας, ordinis et elocutionis monstrat. Sed quod præcipuum, easdem veritates aduersus eosdem haereticos, similisque furturis homines iisdem loquendi modis asserit passim et defendit. Unde terminos ecclesiasticos, patrum testimonia, haereticæ prauitatis proscriptionem, & cetera oecumenicis symbolis usu frequentata deprehendere ea licet.

Eiusdem
Vtus.

§. XX.

Dicendorum agmen claudet *A. C. VSVS*. *Eccles. nostræ homines* ex ea, ueluti secundaria fidei regula, ad amissum uerbi DEI formata concipere fidem, i. e. veram et salutarem doctrinam addiscere, secundum eam cognitionem compонere atque dirigere possunt, et publici doctores omnino debent. *Iuxta doctrinam sive instructiū et normatiū usum*, alias, qui dicitur *discretiū*, nostri coetus hominibus suppetit, ut inde videlicet discant, quantum distent aera lupinis, uerum falso, quodnam et quantum aduersiorum damnatarum doctrinam inter et nostram salutarem intercedat discrimen. *Terrium nostris Conf.* præbet usum, qui est *unitius*, ut docentes pariter et discentes unum sentiant et loquantur, uno *πνεύματι* constringatur, et sensus professionisque unanimi et ομοφύλῳ concordia unum in CHRISTO caetum ad finem usque mundi constituant. *Ils*, qui extra nostram Ecclesiam degunt, hunc primo præstat usum, ut faciliter subita opera in summariam, accuratam tamen notitiam nostræ Ecclesiæ uerae sententiae rhetice et apologetice propositae ueniant; et modo uelint, hoc modo præiudiciis et sinistris in eam iudiciis liberari feliciter queant. Dein et si comperient, quos errores nostri damnauerint, eosque nude et ex uero repraefentatos, argumentorumque relis confosso. *Didascalico iuxta et apologeticō itemque elenchiblico* comitem damus usum exclusum et excommunicatorum, quo quisque diuersum a nobis sentiens et præfracte propugnans alienus a nostri coetus unione declaratur, pellitur et arctetur. *AVGVSTANA* denique *CONFESSIÖNE* hoc quoque in primis nomine ut nominet decet, ut DEO de asserta et vindicata per eam puriori veritate dicamus et canamus laudes, et nostræ misericordiæ ambulemus; Sed quia multis in proximi Jubilaci solemnitatibus ea de re dictum fuit, terminum hic, *SIT DEO LAVS ET GLORIA*, figimus atque

F I N E M.

ADDENDA ET CORRIGENDA.

P. 4. l. 12. deleatur post voc. formularum (,) P. 9. l. 12. post voc. professio addatur: et expositio. Ead. pag. l. 24. et 25. leg. ecclesiæ. Pag. 22. l. 16. leg. easdom. Pag. 23. l. 1. post voc. carbonariam add. form. fidei tanquam.